



KREANDO PROSPERIDAD DOR DI KONEKTÁ OPORTUNIDATNAN DI INVERSHON KU INVERSHONISTANAN

SKINA DI INVERSHONISTA

Publikashon 3.2018

Sea Sabí Tokante Bo Finansiamentu!

” Semper tin espasio pa mehorashon, ni maske kuantu
tempu bo tin den e negoshi”

Oscar De La Hoya

Si bo tin un negoshi, sea ku ta unu grandi òf un empresa chikitu ku ta biniendo na kaminda òf si bo kompania ta eksistí basta tempu kaba i ta sintá un kaminda riba e spectrum di kresementu, mi ta sigur ku un tempu den pasado, e nesesidat tabata eksistí pa buska finansiamentu adishonal pa ekspandé bo negoshi, òf mas aun, pa protehá bo kompania eksitoso durante tempunan di cashflow limitá. Podisé bo no a yega e fase aki ainda unda bo tin mester di finansiamentu, pero kere mi kualke kompania eksitoso tabatin e nesesidat di haña finansiamentu adishonal! Esaki ta nifiká ku bo ta kresiendo, ku bo kompania ta subiando mas leu ku su alkanse aktual. Esaki ta algu bon; si bo no a yega a fase ei, e ora ei bo lo ke esei i pronto!

Ora bo hasi esei, ora bo yega e krusada pa disidí kon mester finansiá bo próksimo proyekto grandi, kresementu òf strategia, ta importante ku bo hasi esei bon. E skohementu di e opshon di finansiamentu adekuá por ta sea un gran ayudo den realisashon di e proyekto/kresementu òf un peso pa bo alkansá e meta di negoshi ei. Pa e motibu ei ta krikiko pa bo arma bo mes ku mas tantu informashon posibel pa bo tuma un desishon sabí i bon-informá. Den pasado a keda e dianan unda e forma di pensa tradishonal tabata e norma, komo doño di negoshi i gerente, bo mester apresiá ku ideanan no-konvenshonal i inovativo ta e gran kos nobo! Pues hasi bo investigashonnan, e kos bon ta, e artíkulo aki lo yuda bo habri bo wowonan pa un otro posibilidat mas ayá di e norma!

Tin hopi diferente opshon eifó ku bo por konsiderá. En realidat, e atrakshon di kualke opshon, mayoria biaha ta dependé di kon grandi bo kompania ta. E promé opshon ku bo por pensa di dje i esun mas tradishonal di nan tur, ta buska un fianza serka un banko. E opshon aki normalmente ta eksigí un nivel formal di garantia loke un kantidat di kompanianan chikitu por ta no tin. Sin embargo, asta si bo tin e kapasidat i e garantianan pa haña un fianza di un banko; lo no ta huisioso si bo no eksplorá tur e otro opshonnan atraktivo manera loke e bolsa di balor lokal DCSX, ta ofresé.

Esaki ta kiko ta nifiká di ta **sabí tokante finansiamentu**. Ta trata di evaluashon di tur e opshonnan ku ta disponibel pa bo i di selekshon di unu òf un bunita kombinashon di eskohonan, ku ta finansieramente e mas apropiá. Unu ku lo sigurá ku bo yega bo metanan di negoshi mas lihé, ku ménos doló di kabes i ku un peso di gastu mas abou.

Bo sa ku bo por emití un bono i kotis'é riba e Bolsa di Balor aki na Kòrsou? Un bono ta komparabel ku un fianza di banko, den e sentido ku nan tur dos ta ofresé bo un fluho di entrada grandi na inisio pa financiá e proyekto ei di bo; i tur dos ta kobra bo interes riba e montante ei durante e bida di e finansiamentu. E diferencia prinsipal normalmente ta ora ta trata un fianza, ta e banko ta proveé e kèsh ku bo mester, pero ora ta trata un bono, e sèn ta bini for di e públiko. Normalmente tambe i di mas importante, e tasa di interes riba e fianza di banko por ta mas haltu ku e tasa di interes ku e públiko ta eksigí riba un bono. Kere mi, si bo por haña finansiamentu na un tasa di interes ku asta ta djis 0.1% ménos ku loke bo por haña tradishonalmente, e ekonomisashon ku bo lo realisá for di interes riba interes durante a añanan di e bono, ta bal e investigashon mas aleu den e lokura nobo di bono aki ku ta tumando over Kòrsou!

No ta eksistí un solo manera adekuá di hasi kos, podisé un opshon di finansiamentu ku ta funshoná tremendo pa bo kompania podisé no ta e mihó opshon pa un otro. Kisas bo kompania por ta muchu chikitu pa emití un bono i un banko lo ni wak den bo direkshon, den kua kaso métonan asta mas no-tradishonal, manera crowdfunding, por ta e mihó opshon pa bo. Pues mi no ta bisa ku un bono ta e mihó i solo opshon. Loke mi ta bisa ta ku un finansiamentu via bono por resultá hopi mas sabí ku loke bo a kustumbrá kuné tradishonalmente ora ta trata di un fianza di banko. Si esei ta e kaso, di kon bo no ta drenta den esaki? Pero no djis tuma mi palabra riba esaki, di kon bo no ta investig'é un poko mas, e tim di DCSX tin kontesta riba bo preguntanan. Laga nos wak unda e manera mas sabí aki di hasi kos por hiba bo riba e kaminda di kresementu!

Sigui Skina di Invershonista pa tur loke bo mester sa tokante Kreashon di Rikesa!

E editorial aki a wòrdu presentá na bo pa DCSX ku kolaborashon di Vertex Investments.

Outor di e publikashon aki: Stephanie Shaw CFA, MBA.



dcsx.cw



vertexinv.com